

gal, en France & dans tous les Pays de la Chrétienté. Enfin la voici dans les termes qu'elle a été renduë & dans la Langue Latine d'usage à Rome.

Sanctissimi in Christo Patris & Domini nostri
CLEMENTIS Divinâ Providentiâ Papæ XIII.
Constitutio quâ Institutum Societatis JESU
denuò approbatur. CLEMENS Episcopus Scr-
vus Servorum Dei.

Ad perpetuam rei memoriam.

Apostolicum pascendi Dominici Gregis munus
Beatissimo Apostolo Petro ejusque Successori
Romano Pontifici delatum à Christo Domino, nulla
locorum, nulla temporis conditio, nullus humanarum
rerum respectus, nulla denique ratio circumscribere
aut suspendere potest, quominus idem Romanus
Pontifex ad omnes ejusdem officii partes, nullâ ex
iis pratermissâ, nullâ neglectâ, curas suas dirigere
debeat, atque omnibus incurrentibus in Ecclesiâ
necessitatibus providere. Harum partium inter
præcipuas postrema non est Regularium Ordinum
approbatorum ab Apostolicâ Sede tutelam gerere,
ac fortibus piisque viris qui eisdem Regularibus
Ordinibus sese solemni Sacramento addixerunt,
suamque pro tuendâ atque amplificandâ Catholicâ
Religione, agroque Dominico excolendo, strenuam
operam impendunt, alacritatem addere & ani-
mum, languidos & infirmos excitare & corrobora-
re, jacentibus afflictisque consolationem afferre,
præcipuè verò ab Ecclesiâ fidei suæ & custodia con-
creditâ, omnia quæ in animarum ruinam in dies
suboriuntur scandala submovere.

Institutum Societatis Jesu ab Homine conditum
eui ab universali Ecclesiâ idem qui sanctis
viris cultus & honor tribuitur, à felicitis recorda-
tionis